

妙法蓮華經法師品第十

爾時世尊因藥王菩薩告八万大士藥王汝
見是大眾中无量諸天龍王夜叉乾闥婆阿
脩羅迦樓羅緊那摩睺伽人與非人及
比丘比丘尼優婆塞優婆夷求聲聞者求辟
支佛者求佛道者如是等類咸於佛前聞妙
法華經一偈一句乃至一念隨喜者我皆與
授記當得阿耨多羅三藐三菩提佛告藥王
又如來滅度之後若有人聞妙法華經乃至
一偈一句一念隨喜者我亦與授阿耨多羅
三藐三菩提記若復有人受持讀誦解說書

國立中央圖書館藏書

書號：08734	子部釋家類經	之屬
書名：妙法蓮華經存一卷	一卷	
著者：姚秦釋鳩摩羅什譯		一卷
版本：日本古寫卷子本	存卷四	

一偈一句一念隨喜者我亦與授阿耨多羅
三藐三菩提記若復有人受持讀誦解說書
寫妙法華經乃至一偈於此經卷敬視如佛
種種供養華香瓔珞末香塗香燒香繒蓋幢
幡衣服伎樂乃至合掌恭敬藥王當知是諸
人等已曾供養十萬億佛於諸佛所成就大
願愍眾生故生此人間

藥王若有人問何等眾生於未來世當得作
佛應示是諸人等於未來世必得作佛何以
故若善男子善女人於法華經乃至一句受
持讀誦解說書寫種種供養經卷華香瓔珞
末香塗香燒香繒蓋幢幡衣服伎樂合掌恭
敬是人一切世間所應瞻奉應以如來供養
而供養之當知此人是菩薩成就阿耨多
羅三藐三菩提哀愍眾生願生此間廣演分
別妙法華經何況盡能受持種種供養者藥
王當知是人自捨清淨業報於我滅後愍眾
生故生於惡世廣演此經若是善男子善女

王當知是人自捨清淨業報於我滅後惡衆
生故主於惡世廣演此經若是善男子善女
人我滅度後能竊為一人說法華經乃至一
句當知是人則如來使如來所遣行如來事
何況於大衆中廣為人說藥王若有惡人以
不善心於一切中現於佛前常毀罵佛其罪
尚輕若人以一惡言毀咎在家出家讀誦法
華經者其罪甚重藥王其有讀誦法華經者
當知是人以佛莊嚴而自莊嚴則為如來肩
所荷擔其所至方應隨向禮一心合掌恭敬
供養尊重讚嘆華香瓔珞末香塗香燒香繒
蓋幢幡衣服餽饌作諸伎樂人中上供而供
養之應持天寶而以散之天上寶聚應以奉
獻所以者何是人歡喜說法須臾聞之即得
究竟阿耨多羅三藐三菩提故尔時世尊欲
重宣此義而說偈言

若欲住佛道 成就自然智 常當勤供養 受持法華者
其有欲疾得 一切種智慧 當受持是經 并供持經者

若欲住佛道 成就自然智 常當勤供養 受持法華者

其有欲疾得 一切種智慧 當受持是經 并供持經者

若著能受持 妙法華經者 當知佛所使 愍念諸衆生

諸有能受持 妙法華經者 捨於清淨土 愍衆故生此

當知知是人 自在所欲生 能於此惡世 廣說无上法

應以天華香 及天寶衣服 天上妙寶聚 供養說法者

吾滅後惡世 能持是經者 當合掌敬禮 如供養世尊

上饌衆甘美 及種種衣服 供養是佛子 兼得須臾聞

若能於後世 受持是經者 我遣在人中 行於如來事

若於一切中 常懷不善心 作色而罵佛 獲无量重罪

其有讚誦持 是法華經者 須臾加惡言 其罪復過彼

有人求佛道 而於一切中 合掌在我前 以無數偈讚

由是讚佛故 得无量功德 嘆美持經者 其福復過彼

於八十億劫 以寂妙色聲 及與香味觸 供養持經者

如是供養已 若得須臾聞 則應自欣慶 我今獲大利

藥王今告汝 我所說諸經 而於此經中 法華寂第一

尔時佛復告藥王菩薩摩訶薩我所說經典

无量千億已說今說當說而於其中此法華

尔時佛復告藥王菩薩摩訶薩我所說經典
无量千億已說今說當說而於其中此法華
經最為難信難解藥王此經是諸佛祕要之
藏不可公布妄授與人諸佛世尊之所守護
從昔已來未曾顯說而此經者如來現在猶
多怨嫉况滅度後藥王當知如來滅後其能
書持讀誦供養為他人說者如來則為以衣
覆之又為他方現在諸佛之所護念是人
有大信力及志願力諸善根力當知是人與如
來共宿則為如來手摩其頭藥王在在處處
若說若讀若誦若書若經卷所住處皆應起
七寶塔極令高廣嚴飾不須復安舍利所以
者何此中已有如來全身此塔應以一切華
香瓔珞繒蓋幢幡伎樂歌頌供養恭敬尊重
讚嘆若有人得見此塔禮拜供養當知是等
皆近阿耨多羅三藐三菩提藥王多有人在
家出家行菩薩道若不能得見聞讀誦書持
供養是法華經者當知是人未善行菩薩道

家出家行菩薩道若不能得見聞讀誦書持
供養是法華經者當知是人未善行菩薩道
若有得聞是經典者乃能善行菩薩之道其
有衆生求佛道者若見若聞是法華經聞已
信解受持者當知是人得近阿耨多羅三藐
三菩提

藥王譬如有人渴之須水於彼高原穿鑿求
之猶見乾土知水尚遠施功不已轉見濕土
遂漸至泥其心決定知水必近菩薩亦復如
是若未聞未解未能備習是法華經當知是
人去阿耨多羅三藐三菩提尚遠若得聞解
思惟備習必知得近阿耨多羅三藐三菩提
所以者何一切菩薩阿耨多羅三藐三菩提
皆屬此經此經開方便門示真實相是法華
經藏深固幽遠無人能到今佛教化成就菩
薩而為開示藥王若有菩薩聞是法華經驚
疑怖畏當知是為新發意菩薩若聲聞人聞

薩而為開示藥王若有菩薩聞是法華經驚
疑怖畏當知是為新發意菩薩若聲聞人聞
是經驚疑怖畏當知是為增上慢者藥王若
有善男子善女人如來滅後欲為四眾說是
法華經者云何應說是善男子善女人入如
來室者如來衣坐如來座介乃應為四眾廣
說斯經如來室者一切眾生中大慈悲心是
如來衣者柔和忍辱心是如來座者一切法
空是安住是中然後以不懈怠心為諸菩薩
及四眾廣說是法華經藥王我於餘國遣化
人為其集聽法眾亦遣化比丘比丘尼優婆
塞優婆夷聽其說法是諸化人聞法信受隨
順不違若說法者在空閑處我時廣遣天龍
鬼神乾闥婆阿脩羅等聽其說法我雖在異
國時時令說法者得見我身若於此經忘失
句逗我還為說令得具足今時世尊欲重宣
此義而說偈言

句逗我還為說令得具足今時世尊欲重宣
此義而說偈言

欲捨諸懈怠 應當聽此經 是經難得聞 信受者亦難

如人渴須水 穿鑿於高原 猶見乾燥土 知去水尚遠

漸見濕土泥 決定知近水 藥王汝當知 如是諸人等

不聞法華經 去佛智甚遠 若聞是深經 決了聲聞眾

是諸經之王 聞已諦思惟 當知此人等 近於佛智慧

若人說此經 應入如來室 著於如來衣 而坐如來座

眾眾无所畏 廣為分別說 大慈悲為室 柔和忍辱衣

諸法空為座 愛此為說法 若說此經時 有人惡口罵

加刀杖凡石 念佛故應忍 我千萬億主 現淨堅固身

於无量億劫 為眾主說法 若我滅度後 能說此經者

我遣化四眾 比丘比丘尼 及清信士女 供養於法師

引導諸眾生 集之令聽法 若人欲加惡 刀杖及凡石

則遣變化人 為之作衛護 若說法之人 獨在空閑處

寂漠无人聲 讀誦此經典 我亦時為現 清淨光明身

若忘失章句 為說令通利 若人具是德 或為四眾說

空處讀誦經 皆得見我身 若人在空閑 我遣天龍王

夜叉鬼神等 為作聽法眾 是人樂說法 分別无罣碍

諸佛言念故 能令大衆喜 若親近法師 速得菩薩道

隨順是師學 得見恒沙佛

國立中央圖書館藏書

國立中央圖書館藏書

書號：08734	子部釋家類 經 之屬
書名：妙法蓮華經 卷一 卷一	
著者：姚名輝鳩摩羅什譯	一卷
版本：日本古寫卷子本 存卷四	

3496258

號 61

3496258



2015-2021 NATIONAL CENTRAL LIBRARY, TAIWAN, R.O.C



0103000 NATIONAL CENTRAL LIBRARY, TAIWAN, R.O.C.



01000000 NATIONAL CENTRAL LIBRARY, TAIWAN, R.O.C.



國立中央圖書館 國家圖書館 國家圖書館 國家圖書館



ILLUSTRATION: NATIONAL CENTRAL LIBRARY, TAIPEI, R.O.C.



國立中央圖書館 國家圖書館 國家圖書館 國家圖書館



2025/06/06 NATIONAL CENTRAL LIBRARY, TAIWAN, P.R.C.